

Հաստատված է
Հայաստանի պետական տնտեսագիտական
համալսարան» ՊՈԱԿ գիտական խորհրդի
2019 թվականի ապրիլի 12-ի նիստում,
արձանագրություն N 10,
գիտական խորհրդի նախագահ,
նախագահի պաշտոնակատար



Բ. Ա. Հայրապետյան

2019 թ.

ԸՆԹԱՑԱԿԱՐԳ

**«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ» ՊԵՏԱԿԱՆ ՈՋ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՈՒՄ ՈՒՍԱՆՈՂՆԵՐԻ ՎԵՐԱԿԱՆԳՆՄԱՆ,
ՆԵՐՔԻՆ ՏԵՂԱՓՈԽՈՒԹՅԱՆ, ԱՌԱՐԿԱՅԱԿԱՆ (ԾՐԱԳՐԱՅԻՆ)
ՏԱՐԲԵՐՈՒԹՅՈՒՆՆԵՐԻ ՀԱՆՁՆՄԱՆ ԵՎ ՈՒՍՄԱՆ ՎՃԱՐԻ ՀԱՇՎԱՐԿՄԱՆ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգով սահմանվում է Հայաստանի պետական տնտեսագիտական համալսարանում (այսուհետ՝ ՀՊՏՀ) ուսանողական իրավունքների վերականգնման և ներքին տեղափոխության համար առարկայական (ծրագրային) տարբերությունների հանձնման գործընթացի կազմակերպման և ուսման վճարի հաշվարկման կարգը:

2. Սույն ընթացակարգը մշակված է «Բարձրագույն և հետբուհական մասնագիտական կրթության մասին» ՀՀ օրենքի (17-րդ հոդվածի 4-րդ կետ), ՀՀ կառավարության 2011 թվականի օգոստոսի 25-ի 1240-Ն որոշման հավելվածի և ՀՀ կրթության և գիտության նախարարի 2018 թվականի դեկտեմբերի 17-ի 1676-Ն հրամանի հավելվածի հիման վրա:

3. Առարկայական (ծրագրային) տարբերությունը ուսանողի ուսումնառած կրթական ծրագրի ուսումնական պլանում չընդգրկված առարկան կամ որևէ առարկայից կրեդիտների մեկ երրորդից ավելի տարբերությունն է:

II. ՈՒՍԱՆՈՂԱԿԱՆ ԻՐԱՎՈՒՆՔՆԵՐԻ ՎԵՐԱԿԱՆԳՆՈՒՄԸ

4. Ուսանողական իրավունքների վերականգնումը ուսուցման բոլոր ձևերում թույլատրվում է առաջին կուրսի երկրորդ կիսամյակից սկսած՝ տվյալ մասնագիտության (կրթական ծրագրի) համար լիցենզիայով սահմանված տեղերի շրջանակում:

5. Հեռացված կամ ազատված ուսանողի ուսանողական իրավունքները վերականգնվում են ուսումնառությունն ընդհատելուց առնվազն մեկ կիսամյակ հետո:

6. Առկա ուսուցման համակարգում ուսանողական իրավունքները վերականգնելու վերաբերյալ դիմումները ներկայացվում են կիսամյակների ուսումնական պարապմունքներին նախորդող և հաջորդող երկու շաբաթների ընթացքում, իսկ հեռակա ուսուցման համակարգում՝ կիսամյակների պարապմունքներին նախորդող երեք շաբաթների ընթացքում:

7. Հեռացված կամ ազատված ուսանողի ուսանողական իրավունքների վերականգնումը հրամանագրվում է սահմանված ժամանակացույցով առարկայական տարբերությունները հանձնելուց և ուսման վարձը վճարելուց հետո:

III. ՈՒՍԱՆՈՂՆԵՐԻ ՏԵՂԱՓՈԽՈՒԹՅՈՒՆԸ

8. Ուսանողի՝ բուհի ներսում տեղափոխությունը, որի հետևանքով կարող է անցում կատարվել մեկ մասնագիտությունից (կրթական ծրագրից) մյուսը կամ փոխվել ուսուցման ձևը (առկա, հեռակա), իրականացվում է ռեկտորի հրամանով, ուսանողի **անձնական** դիմումի համաձայն:

9. Տեղափոխության մասին ուսանողների դիմումներն ընդունվում են համապատասխան ձևով ուսուցման կիսամյակների ուսումնական պարապմունքներին նախորդող և հաջորդող երկու շաբաթվա ընթացքում:

10. Չի թույլատրվում բակալավրի կրթական ծրագրով առաջին և ավարտական կուրսերում ուսանողի տեղափոխությունը: Մագիստրոսի կրթական ծրագրով տեղափոխությունը թույլատրվում է առաջին կիսամյակի ավարտից հետո:

12. Ուսանողի տեղափոխությունը թույլատրվում է տվյալ մասնագիտության գծով լիցենզիայով հատկացված ընդունելության սահմանային տեղերի (ըստ ուսուցման ձևերի որակավորման աստիճանների) շրջանակում:

IV. ԱՌԱՐԿԱՅԱԿԱՆ (ԾՐԱԳՐԱՅԻՆ) ՏԱՐԲԵՐՈՒԹՅՈՒՆՆԵՐԻ ՀԱՆՁՆՈՒՄԸ ԵՎ ՈՒՍԱՆՈՂԻ ՀՐԱՄԱՆԱԳՐՈՒՄԸ

13. Վերականգնվող ուսանողների առարկայական (ծրագրային) տարբերությունները հանձնելու և ուսման վարձը վճարելու թույլտվության համար տրվում է կցագրման հրաման:

14. Առաջին և երկրորդ կիսամյակներում առարկայական տարբերությունների հանձնումն սկսում է համապատասխանաբար նոյեմբերի և ապրիլի առաջին շաբաթ-

վանից: Համահամալսարանական դասընթացներից տարբերությունների հանձնումը կատարվում է ըստ միասնական ժամանակացույցի:

15. Առարկայական տարբերությունների հանձնումը կազմակերպվում է տվյալ դասընթացից տվյալ կրթաձևում գիտելիքների ստուգման ՀՊՏՀ-ում սահմանված կարգով (համակարգչային-թեստային, բանավոր):

16. Մինչև տվյալ կիսամյակի քննաշրջանի սկիզբը ՀՊՏՀ-ում սահմանված կարգով առարկայական տարբերությունները հանձնելուց (առավելագույնը մեկ վերահանձնման հնարավորությամբ) և 17-րդ ու 18-րդ կետերի պահանջների համաձայն հաշվարկված տվյալ կիսամյակի ուսման վարձը վճարելուց հետո ուսանողը հրամանագրվում է:

17. Ուսանողն ազատվում է ՀՊՏՀ-ում նախկինում կրեդիտներ հավաքած առարկաների ուսումնական պարապմունքներից և ատեստավորումից: Ուսանողը պարտավոր է վճարել միայն այն դասընթացների համար, որոնք ուսումնառելու է տվյալ կիսամյակում:

18. Տվյալ կիսամյակի ուսման վարձը հաշվարկվում է ըստ դասընթացների ընդհանուր գումարային կրեդիտների քանակի՝ հաշվի առնելով ՀՊՏՀ-ում տվյալ կրթական մակարդակի (բակալավրիատ, մագիստրատուրա) համար սահմանված մեկ կրեդիտի արժեքը, բայց ոչ ավելի, քան տվյալ մասնագիտության համար սահմանված կիսամյակային ուսման վարձը (հեռակա ուսուցման դեպքում):

19. Վերականգնմանը (տեղափոխմանը) հաջորդող կիսամյակներում ՀՊՏՀ-ում նախկինում կրեդիտներ հավաքած առարկաների ուսումնական պարապմունքներից և ատեստավորումից ազատվելու ուսանողների դիմումների հիման վրա դեկանը զեկուցագիր է ներկայացնում տվյալ կիսամյակի ուսման վարձի նվազեցման վերաբերյալ:

20. ՀՊՏՀ-ում նախկինում կրեդիտներ հավաքած առարկաների ուսումնական պարապմունքներից և ատեստավորումից ազատվելու վերաբերյալ դիմումներն ընդունվում են տվյալ կիսամյակի ուսումնական պարապմունքները սկսելուց հետո առաջին երեք շաբաթների ընթացքում: Ավելի ուշ ներկայացված դիմումներին ընթացք չի տրվում:

V. ԵԶՐԱՓՈՒԿ ԴՐՈՒՅԹՆԵՐ

21. Սույն ընթացակարգն ուժի մեջ է մտնում ընդունման հաջորդ օրվանից:

22. Սույն ընթացակարգի դրույթները տարածվում են Հայաստանի Հանրապետության օրենսդրությանը և միջազգային շարժունակության ծրագրերի պայմաններին համապատասխան՝ միջհամալսարանական պայմանագրերի շրջանակներում մինչև մեկ կիսամյակ տևողությամբ համալսարանի գործընկեր բարձրագույն ուսումնական հաստատություններում ուսումնառելու մեկնած և վերադարձած ուսանողների վրա:

23. Սույն ընթացակարգի դրույթները չեն տարածվում տարբեր պատճառներով ուսումնառությունը դադարեցրած (պարտադիր զինվորական ծառայության զորակոչվելու, առողջական վիճակի պատճառով ակադեմիական արձակուրդ ձևակերպելու, հղիության և ծննդաբերության, ինչպես նաև մինչև երեք տարեկան երեխայի խնամքի արձակուրդում գտնվելու դեպքերում) և նույն մասնագիտությամբ (կրթական ծրագրով), իսկ դրանք չլինելու դեպքում հարակից մասնագիտությամբ (կրթական ծրագրով) ուսումնառությունը շարունակող ուսանողների վրա:

18.06.2019
արձանագրություն N 12

Գիտական խորհրդի՝ 2019 թվականի ապրիլի 12-ի նիստում (արձանագրություն N 10) հաստատված ««Հայաստանի պետական տնտեսագիտական համալսարան» պետական ոչ առևտրային կազմակերպությունում ուսանողների վերականգնման, ներքին տեղափոխության, առարկայական (ծրագրային) տարբերությունների հանձնման և ուսման վճարի հաշվարկման ընթացակարգում» լրացում կատարելու մասին